



# O nama "Bosnian Doctors for Disabled"

## Misija Udruženja Bosnian Doctors for Disabled

Udruženje Bosnian Doctors for Disabled je neprofitna cross-disability organizacija (što znači da naša organizacija okuplja sve osobe sa invaliditetom bez obzira na vrstu i procent invaliditeta). Na rukovodećim pozicijama Udruženja se nalaze osobe sa invaliditetom.

Naša misija je efikasno olakšati osnaživanje pojedinaca sa invaliditetom putem: edukacija, zagovaranja, uspostavljanja servisa za samostalan život, izgradnju mreža organizacija osoba sa invaliditetom, radi uspostavljanja platforme za zajedničko djelovanje, a sve ovo s ciljem kako bismo stvorili kompetentne lidere koji će ostvariti pozitivne promjene u bosansko-hercegovačkom društvu.

## Vizija Udruženja Bosnian Doctors for Disabled

Vizija: Udruženje Bosnian Doctors for Disabled jeste potpuna Inkluzija = uključenost osoba sa invaliditetom u svaki aspekt društvene zajednice i potpuno ravnopravno sudjelovanje u društvenim tokovima sa ostalim članovima bosansko-hercegovačkog društva.

Prioriteti na kojima radi Udruženje Bosnian Doctors for Disabled su: INKLUZIJA, PRISTUPAČNOST, OSNAŽIVANJE, ZAGOVARANJE, NEOVISNOST/SAMOSTALNOST!

## Glavne aktivnosti Udružena Bosnian Doctors for Disabled

Pružanje usluge servisa personalne asistencije 20 osobama sa najtežim invaliditetom na prostoru FBiH. Sredstva za finansiranje servisa osiguravaju se preko naše sestrinske organizacije Austrian Doctors for Disabled i drugih partnera i donatora.

Edukacije personalnih asistenata/ica

Edukacija osoba sa invaliditetom, kako uspješno upravljati servisom personalne asistencije.

Zagovaranja / lobiranja za prepoznavanje potrebe da pitanje servisa podrške "personalne asistencije" bude sistemski riješeno.

## Historija nastanka Udruženja Bosnian Doctors for Disabled

Doctors for Disabled-Austria (DfD-A)" je prije otprilike 15 godina započelo pružati podršku osobama sa teškim invaliditetom u Bosni i Hercegovini (BiH). U januaru 2013. godine je osnovana partnerska organizacija „Bosnian Doctors for Disabled" (DfD-BiH). Upravljačke funkcije Udruženja su popunili/e saradnici/e sa teškim invaliditetom.

Podrška osobama sa teškim invaliditetom na čitavom području države preko DfD-A i DfD-BiH se sastojala od novčane podrške za preživljavanje, sponzorstava, preuzimanja troškova, prilagođavanja stambenog prostora, opremanja i uređaja za lakšu svakodnevnicu, kao i od uvođenja servisa „personalne asistencije (PA)". Tokom implementacije projekta zaključeno je kako je ovaj servis od velikog značaja za osobe sa teškim invaliditetom.

„Personalni asistenti/ce" su angažovani od strane osobe sa invaliditetom kako bi njemu/njoj pomogli u različitim segmentima svakodnevnog života (higijena, ishrana, mobilnost, obrazovanje, rad, odlasci u javne institucije, slobodno vrijeme) u individualno određenom vremenskom periodu.

Ovaj servis omogućuje osobama sa invaliditetom samoodređen, kvalitetan život i puno učešće u društvenim tokovima.

Na osnovu izuzetno pozitivnih individualnih i društvenih uticaja personalne asistencije sa jedne strane i nedostatnih zakonskih regulativa i podrške javnosti u BiH sa druge strane, personalna asistencija predstavlja važan segment rada za DfD-A i DfD-BiH.

DfD-A i DfD-BiH su NVO (nevladine organizacije) i svoje aktivnosti finansiraju isključivo putem donacija i sredstava za poticaj. Kako bi se servis personalne asistencije proširio i bio zakonski regulisan, neophodna su dodatna sredstva.

**Glavni cilj** naše organizacija Bosnian Doctors for Disabled je da kroz svoj rad doprinesemo postizanju punog društvenog uključivanja i sudjelovanja osoba sa invaliditetom u BiH. Zagovarajući i omogućavajući pristup kvalificiranim personalnim asistentima/icama za podršku samostalnom životu i samoodređenju, kako je navedeno u članku 19. Konvencije UN-a o pravima osoba sa invaliditetom (UNCPD).

**Za dodatne informacije kontaktirajte nas na:**

Mail: [sloboda.freedom2019@gmail.com](mailto:sloboda.freedom2019@gmail.com)

Mob: 061 247 116 Amela Velić

Mob: 066 522 050 Jelena Backović

Bosnian Doctors for Disabled